

葉天士秘方大全

實驗百病治療



上海中央書店印行

家傳祕本

葉天士祕方大全

1941

上海中央書局印行

葉天士秘方大全 全書一冊

（月報西力各埠均有出售）

著者 葉天士

校訂者 儲菊人

出版者 中央書店

總發行所 上海四馬路
中央書店

福州路世界里

（全國各大書局均售）

中華民國三十年二月四版

敘

葉天士先生本一祖傳之專門兒科醫家也自受學於王子接始能貫通各科先生一生醫名噪甚求診者戶限爲穿國初諸老咸謂先生並無著述非不能實無暇也世傳先生著述多種皆後人所託名而以最通行之臨症指南溫症論治誤人最甚今之談醫者多奉二書爲圭臬轉汚先生之盛名矣予早年得先生家傳祕訣寫本一冊隨筆記載並未加以修飾細讀之知係先生晚年追記平生所治兒科諸症並祖傳心得方法筆之於書傳於後嗣者也其論症與內經仲景往往吻合真不愧王氏嫡傳其證一也其治小兒蟲疳諸症別出手眼所述祖訓家傳方法皆他書所不經見其證二也其謂錢氏小兒方每有錯誤必非

仲陽親筆如此之類非先生不能知之其證三也未載治其孫走馬疳症足見此書乃先生晚年所記其學問閱歷並臻精到非他人草率著書可比先生負神醫之目及其老也僅傳此一卷兒科書豈非以累世家學不容湮沒故留以嘉惠後人予於二百年後幸得先生未刊遺書又何敢湮沒不傳使天下知葉氏醫學之自有其真者固在此而不在彼耶己巳五月江甯汪紹達

葉天士祕方大全

常熟黃山居士珍藏

脹病

脹病有二。屬虛者多。實者少。東垣錢氏等從虛治。內經云。太陰從濕。謂寒濕也。作熱治者誤矣。當以脈證辨之。實脹者。或因食積。或因癰塊。先有物在胃腸中。而後脹形於外也。按之則堅。宜消導以去之。不可攻之。攻則愈虛不可治矣。宜胃苓丸主之。

虛脹者。或因吐瀉瘡痢之後。脾胃久傷而病。此虛氣在於膜盲之外。其外雖脹。其中無物。按之則濡。扣之有聲。不可外攻。攻之即死。宜用溫補。錢氏加減異功散作丸服之。

人參一錢

白朮一錢

甘草一錢

青皮五分

陳皮五分

枳實五分

厚朴五分

半夏五分

黃連五分
薑汁炒

木香五分

丁香五分

藿香葉五分

右爲末。神麩糊丸。麻子大。炒陳米湯下。

如因於熱者。必口乾飲水。神識不清。無時譫妄。宜三黃丸。河間涼膈散。仍作膽導法。

河間涼膈散

連翹一錢 黃芩二分 薄荷葉三分 梔子仁三分 甘草五分

大黃五分 朴硝五分

右用水一鍾。竹葉五片。煎臨熟。入蜜一匙。去渣溫服。

因於宿食者。必惡食吞酸。腹中時痛。宜三黃枳朮丸（方見後）木香檳榔丸主之。

因於積者。腹中陣痛。丁香脾積丸主之。

小兒腹脹。與大人不同。多因傷食得之。宜胃苓丸。合丹溪保和丸主之。

如果傷食腹脹。或痛吞酸。惡食。大便秘利者。宜木香承氣丸主之。

木香承氣丸

枳實數分 厚朴數分 枳殼 榔數分 木香少許 大黃數分

右爲末。酒糊丸。麻子大白湯下。

木香。檳榔丸。治傷一切熱積。兼治痢疾腹痛。

木香

檳榔

青皮去白

莪朮煨

黃連

黃蘗

香附子

枳殼麵炒以上各一兩

將軍炒二兩

黑丑二兩

如婦人則加當歸兩半。

右爲末。水杵爲丸。麻子大。薑湯下。

加減塌氣丸。治腹脹。

萼菱

砂仁

青皮

陳皮

丁香

全蝎炒

萊服子炒以上各數分

右爲末。神麩糊丸。麻子大。厚朴湯送下。

一女有食積脾虛病。出痘後。又傷食。腹脹。不喜食。予用胃苓丸方。加枳實炒、神麩、麥蘗、青皮。作丸服之。

一兒先病瘧。傷食成疳。又傷食甚瘦。腹脹大而堅。見人則哭。予立一方。用人參、白朮、白茯苓、甘草、半夏、麵積、實炒、厚朴、黃連、木香、莪朮、砂仁、使君子、神麩、麥芽、鱉甲、夜明砂、當歸、川芎等藥。

一兒瀉後腹脹。予用加減塌氣丸服之愈。

一兒瘧久不退。腹大而堅。予用化癖丸服之愈。

一兒五歲。腹大善食。予見之。謂其父母曰。乳多必損胃。食壅卽傷脾。令郎腹大如是。又不知節縱其口腹。吾恐腸胃乃傷。不成腸癖。必成疳也。後果成疳。肚大青筋。請予治之。以集聖丸調理而愈。

一兒善食腹大。予用保和丸、胃苓丸。二方相間。又以集聖丸調理而愈。

凡病初起。有食飽傷胃而脹者。法宜消導之。切不可攻下。日久有脾虛不能消食。食飽卽脹者。此宜補脾以助其傳化。亦切不可攻下。以誤殺小兒也。

腹中有癖。瘧後多有之。兒有癖者。常作寒熱似瘧。不可作瘧治也。癖去則寒熱自止。傳家消癖尤甚效。

消癖丸

人參

陳皮

三稜

莪朮

木香

黃連

枳實

夜明砂

使君子

乾蟬

半夏糲

麥芽

海昆布

右爲末。酒糊丸。麻子大。米湯下。

先翁治癖。只用香蟬丸。

木香

人參

黃耆

當歸

桔梗

莪朮

三稜

鱉甲

綠礬

枳實

使君子

練根皮

訶子

以上各二兩

乾蟬

七錢五分

黃連

一兩

右爲末。丸如綠豆大。水飲下。

腹痛 有蟲 有積

蟲痛發作無時。隨痛隨止。發則面色皸白。口中涎沫。腹中作痛。痞滿。脈洪大。目直視似癩。宜下。

之用木香。檳榔。苦練根。白皮。煎湯送下。父常用雄黃解毒丸下之。小兒體弱則不可下也。用安蟲丸以漸去之。

安蟲丸

莪 朮醋煨

木 香

黃 連

青 皮

檳 榔

使君子

白 燕 蕘 仁

白 雷 丸 白者佳

苦 練 根 皮 白佳赤毒以各數分

右爲末。醋麵丸。麻子大。白湯下。

家訓云。凡欲取蟲。須於每月上弦前取之。蟲頭向上。若望後頭向下。不可取也。

一兒善食。常若蟲痛。用安蟲丸服之。三日後取下一蟲。甚異。約長一尺。身赤色。大如鱸。令人手持其兩頭牽之。長二三尺。形如小線。放下依舊短縮。蟲母也。

一遺子常苦腹痛。請翁治之。再三不效。復請予治之。予問翁曾用何藥。翁曰。雄黃解毒丸。予問翁。再有別方否。翁曰。只此一方。用之屢不效。予告翁曰。此蟲有靈。當設方法治之。擇除破日。在每月初旬取之。勿令兒知也。隔夜煎苦練根。次日五更。與其伯母議。用清油煎鷄子餅一個。先

食之後服藥。故不與食。兒聞其香味。急欲食之。腹中如有物湧上心口。取藥與服之。少頃心口之物墜下。以蛋食之不食也。已時腹中大鳴。而瀉下一蟲。甚異。約小指長。有頭有手足。狀如嬰兒。予見之。驚曰。此癆蟲也。泮西云。彼父母癆死。今此兒正三傳也。幸去之矣。令一婢用鐵鉗夾之河中。以火焚之。有煙撲入婢口中。其婢亦病癆死。此男無恙。至今誦之。翁曰。汝用何藥如此效。予曰。雄黃解毒丸。恐人知。故祕之也。

一兒有蟲痛。黃瘦。腹中時痛。口饑。如有肉食。則痛不發。一日無肉。則痛發也。請翁治之。翁命予往。見其子甚弱。不敢下。乃思一計。只用苦練根皮放肉汁中煮食之。單服三日。下蟲如蝌斗者一盆。色黃黑。後以養脾丸調理而安。翁謂母曰。吾有子矣。往吾教他讀書。醫出於儒。母喜。

一兒七歲。善食肉。常病腹痛。其父問曰。積痛蟲痛何如。予曰。積痛發有常處。手不可按。惡食而口乾。蟲痛無常處。喜手按摩。口饑而吐清水。此兒乃蟲痛也。以藥取下之。下蟲十餘條。而痛止。未一月。又痛。予曰。不可再取矣。如不去其蟲。則痛不除。積不除。則蟲又生。苟再取之。恐傷胃氣也。乃立一方。用黃連、木香、檳榔、去積爲主。陳皮、青皮、三稜、莪朮、枳實、山查。專去其積。使君子白。

蕪荑、川練子、苦練根皮，專去其蟲。等分爲末。神麪糊丸。麻子大。米飲下。常服之。時下小蟲如指。大約長一尺。乃蟲母也。自後痛漸減。

或問人腹中皆有虻蟲。何兒之蟲獨多也。予曰。小兒食傷成積。積化爲蟲。嘗觀草腐而化。螢木腐而生蠹。人脾虛而蟲集。其理一也。或又問蟲之狀不同者。何也。曰。各從其臟變化也。如心屬火。化爲羽蟲。肝屬木。化爲毛蟲。肺屬金。化爲介蟲。腎屬水。化爲鱗蟲。脾屬土。化爲倮蟲。故虻蟲倮蟲。出於脾。爲土化也。

積痛

小兒腹痛。屬食積者多。食積之痛。屬寒者多。蓋天地之化。熱則發散而流通。寒則翕聚而壅塞。飲食下咽之後。腸胃之陽。不能行其變化轉輸之令。使穀肉菓菜之物。留戀腸胃之中。故隨其所在處而作痛也。如在胃中。猶是完物。在當心而痛。宜吐之。所謂高者越之是也。瓜蒂散主之。其在小腸中痛。雖變化猶是糟粕。其痛在心之下。臍之上。宜辛溫之藥利下之。宜丁香脾積丸主之。

一兒周歲食雞肉太早。自此成積。日漸羸瘦。不思乳食。其父請治。予取養脾去積丸。先服三日。後用脾積丸。雞肉湯下。取下雞肉一片。猶未化也。再服養脾丸。調理而愈。

其在大腸者。水穀已分。傳送廣腸爲疾也。其痛在臍之下。宜苦寒之藥下之。木香檳榔丸主之。如可吐者。不如鹽湯探吐之法。猶妙。如飲食之後。便有胃口痛者。此宜吐之。如因舊日之疾。作痛者。不可吐之。恐傷胃氣。宜小陷胸湯主之。

枳實麸炒二分

黃連薑汁炒二分

草豆蔻炒五分

右爲末。神麴糊丸。麻子大。薑湯下。

一兒一日胃腕當心而痛。予治七日不止。予以手摸其胸腹。問在何處。惟心之下。手不可近。予曰。吾差矣。何怪其藥之不效也。凡腹手可按者。虛痛也。手不可按者。實痛也。實痛非疾。則痰。故手不可按也。乃立一方。以枳實導丸控涎丹二方內。擇取枳實、黃連、半夏各二錢。木香、黑牽牛頭末、白芥子炒、甘草等分。搗羅爲末。用生薑自然汁和神麴丸。麻子大。以沉香、木香、檳榔磨水下。或薑湯亦可。初服二十一丸。少頃痛移下中腕。又服七丸。至臍下。又服五丸。利下清水而止。

乃知是脾痛也。復作枳朮丸。加青皮、陳皮、木香、砂仁、神麩、麥芽、山查。調理而安。治痛者。其可忽諸。

凡腹中積痛者。只在腸胃之中。蓋腸胃爲市物之聚也。脾主腐化而無所受故也。非客所犯。必不爲痛。如有脾痛者。宜祖傳三聖散主之。

蒼朮鹽炒

香附子鹽炒

良薑

薑清油炒

右爲細末熱酒調下。

吐瀉

吐出上焦。瀉出下焦。乃腸胃之病也。脾在中焦。管攝乎上下之間。吐瀉互作者。乃脾之病也。

夫人身之中。足陽明胃脈之氣。自上而下。足太陰脾脈之氣。自下而上。上下循環。陰陽交接。謂之順而無病也。故胃氣逆而爲上。則爲嘔吐。脾氣逆而爲下。則爲泄瀉。吐瀉之病。脾胃爲之總目也。

發揮云。胃在上焦。主內而不出。嘔吐則不內矣。腸在下焦。主出而不入。有經。泄瀉出。則無經矣。

觀朱無議傷寒括云、胃家有熱難留食。胃冷無緣納水漿。則吐之出於上焦也明矣。又張長沙傷寒論云、下利服理中不止。理中者。理氣也。治泄不利小便。非其治也。五苓散主之。不止者在下焦。赤石脂禹餘糧湯主之。則泄瀉出於下焦也明矣。

赤石脂一斤

禹餘糧一斤

水陸升。煮取二升。去渣分三服。

又按治泄利者。有四法焉。有用理中湯以治其裏氣者。有用五苓散以利其小便者。有用真武湯以溫其腎者。有用赤石脂禹餘糧以固澁其大腸者。不可不知要也。蓋腎開竅於二陰。主蟄藏者也。如門戶然。泄瀉不止。門戶不要也。故用薑附以溫之。閉其門戶也。腸胃者。容受水穀之氣。猶倉廩然。脾司出納。乃倉廩之官也。吐瀉不止。乃倉廩之不藏。官之失其職也。故用參朮以補之。封其倉廩也。下焦者。水穀注下之路。如溝瀆然。小便利者。溝瀆之不能別也。故用猪苓澤瀉以利之。疏通其水竇也。大便下利。溝瀆之不能滯也。故用赤石脂龍骨以澁之。塞其決也。

茯苓一兩

芍藥一兩

生薑一兩

附子

子一枚炮
八片

白朮二兩

右用水八升。煮取三升。作三四次溫服。

祖訓治吐瀉者。只用胃苓丸。吐以煨生薑湯下之。泄以一粒丹和之。炒米湯下。

一粒丹一名白玉丹

寒水石兩

煨二

白礬兩

枯一

右爲末。水糊丸。小豆大。每一丸米湯下。

錢氏曰。脾主困。謂疲憊也。非嗜臥也。吐瀉久。則生風。飲食傷。則成疴。易至疲憊也。此與腎主虛同。

論腎者元氣之主。腎虛則爲稟賦不足之病。脾者氣穀之主。脾虛則爲津液不足之病。故小兒五臟之病。脾爲最多。肝心次之。肺又次之。小兒吐瀉。多因傷乳食得之。如吐瀉時。不啼哭。不喜飲食。此傷乳食也。初得之。不可遽止。蓋宿食未盡去也。宜節乳食。益黃散主之。

有熱者。胃苓丸。用東向陳壁土。和乾薑少許。炒焦。入水煎湯。澄清吞下。瀉不止。以胃苓丸一粒。丹合而服之。

如吐瀉時。或惡風寒。喜人懷抱。此傷風吐瀉也。宜發散惺惺散。如吐瀉時。啼哭。其身俛仰不安。